




安邑縣續志卷四

人物



宋在詩康熙丁酉舉人辛丑進士以庶常授檢討甲辰
 分校京闈踰年視學四川拔取多知名士歷任銓曹
 累遷鴻臚少卿清介樸誠朱文端沈端恪皆敬重之
 究心理學獎誘後進辨析經傳尤能闡發精蘊著有
 論語贅言見聞瑣錄懷古堂詩稿乾隆丁酉重宴鹿
 鳴鄉人榮之

郭夢龍優貢生候補主事事孀母極孝母患手瘡口吮
 膿汁母患背晝夜撫摩三閱月無少倦怠母歿哀毀

安邑縣續志

卷四

人物

一

過度嘔血數升絕而復甦者再邑人建坊祀鄉賢祠
 楊冲雲庠優生天性純孝嘗貿易中州逾月必歸省親
 每預訂歸期恐勞門閭望輒兼程先至親歿哀毀廬
 墓鄰有犬號花豹將隨柩往其主拘而扇之犬絕索
 去從雲卧墓側朝夕不離一日淫雨水溢適食盡斷
 炊其家不知也犬冒雨至家若傳信然人以爲誠孝
 所感

葛德潤雍正癸丑進士授儀曹主政擢御史前後建白
 皆恤民急務戊午甲子兩典雲南鄉試拔取多知名
 士督學閩中疏令州縣錄送童生補入學政全書

湖北學政革卷價陋規數千金條陳文場事例多見
施行告歸色養終身建宗祠置祭田訓子弟人稱善
後

葛德溥字湛恩鄉賢鳳翔孫名宦健子有才略識政體
初宦山東授武定同知職司鹽糧革陋規釐剔攙雜
竊糧諸弊漕米向由歲暮交官民以守候爲苦請改
春兌費省而民稱便署東平州屬邑諱水災飢黎垂
弊查明以實報免糧加賑全活無算調兗州時會徐
河決當事濫令協濟秫稻百萬勛力懇豁免民不擾
累嗣擢江西袁郡修文廟振土風平反冤獄訊結爭
安邑縣續志卷四 人物 二
墳析產諸重案靡不悅服所屬萍鄉縣獲逃犯擬斬
溥援自首例請減事

聞著爲令萬載縣屯田加糧多至十四倍請減十之三
永免水衝沙地若干頃窮黎感頌之游升贛南道廉
知廬陵萍溪等處奸猾攬利累商地痞藉差濫派皆
勒碑示禁永革積弊生平德威並用故所至民懷同
治十年江西修省志咨取行述祀名宦

弋照乾隆丁巳進士歷宰江浙粵東有政聲爲大吏所
器重庚午分校浙闈首拔周禮次年會試冠軍人服
其精鑑任廣東三水縣見有女子五結帶投河怪之

召父老問故曰若輩同盟真武祠願共死此俗向有
之不足異也未幾又有九女投河如前照曰是祠不
除較河伯娶婦爲害尤酷親往斧其像立毀祠宇時
觀者數千人靡不慄慄照毅然不顧其風遂絕

葛朝陽德潤子乾隆丙辰舉人宰浙江常山以德化人
有兄弟構訟久不結取譬手足疴癢相關兩造泣謝
旋補戶部浙江司郎中論事有卓識不與衆浮沈同
官咸推重之後告歸屢捐鄉試卷資士林感頌庚戌
歲恭逢

八旬萬壽入都祝

安邑縣續志

卷四

人物

三

釐進寶頌八章寵邀

膺賞時人以爲榮

柴崑孝事孀母友愛諸弟樂善好施乾隆己卯邑遭水
災出五百金賑濟全活甚衆邑先達劉炯宋在詩王
密嘗作德行記稱揚之

柴成林性孝友母失明聞隣邑有良醫以聲價自重馳
往跪門哀禱醫感其誠始至日尋愈堂姪克恭克信
失怙教育如己出尤慷慨慕義或負其債貧者輒不
責償焚券逾千金鄉里稱之晚舉鄉飲大賓子建基
由武舉任千總建業由武進士官副將以建業秩

晉封武功將軍

宋鑒在詩子乾隆甲子舉人戊辰進士任常山縣恪勤
清正不忍寃民間俗慣溺女深痛傷之反復理喻並
嚴以法惡習漸革調鄞縣撫綏多方擢升南雄通判
政聲益著致仕歸養著有尙書考辨採入四庫全
書

柴建基乾隆甲子武舉任易州營千總時弟建業官浙
江以親老告歸奉養終身

柴建業乾隆庚辰武進士體長九尺挽六鈞弓好讀孫
吳兵書丰姿彬彬雅有儒將風任浙江處州營守備捐

安邑縣續志

卷四

人物

四

俸置演武亭整飭營伍弭奸盜上台器之乙酉春恭
逢

鑾輅南巡辦差稱

旨賜錦袍旋補太平營叅將庚子再逢

南幸欽派鳳從賜綵緞貂皮荷包以示優異尋授樂清副
將有撫綏恩軍民勒碑頌之三遇

覃恩祖父外親登膺 封贈迨甲辰

南巡命下奉檄趨命以積勞病故身後無餘貲時議以爲

難

葛鳴陽德溥子由副貢授監察御史巡視中城官至吏

科給事中爲人慷慨好義初隨父任在贛邑劉某到署旬餘病故爲置棺衾數千里護送回籍官京師同邑王明經肄業太學病劇親調湯藥及卒賻資歸櫬于時議重之在籍時周貧濟急見義勇爲隆冬設粥廠散寒衣道旁掘土窰設火具以周乞丐鄉里無凍餒苦值年饑買粟糠四百餘石雜稷黍散賑全活甚多置義地五畝餘掩埋枯骨樹果百五十株營息爲棺木費復於石碑莊衝途捐地二十七畝設立茶亭年給三十金以補不足並刊石垂諸久遠生平施藥餌刊善書修廟宇道路不惜重資學宮之兩廡各祠尊

經閣奎星閣暨石碑莊之關廟皆其重建閩邑西車路修東門橋梁石鋪北門官道五十餘丈邑南介灘坡爲晉豫通衢險峻難行設廠車十餘處覓夫牽挽雨雪若履坦途行旅德之邑城傾圯獨力任修興工十餘年乃畢邑人感頌以爲德溥有子著有宗約歌復古篇會樂軒稿保生衍慶幼幼心裁諸書行世王宓乾隆癸酉拔貢庚辰順天鄉試舉人聯捷進士授江西永甯令壬午充分校稱得人創立巽峰書院文風丕振察地宜麥遂給種得大熟勸捐義倉蓄穀三千餘石水旱有備甯民立祠製詞刊石調星子清理

積案延師課士著鹿洞書院課藝歸里設立文會遇
鄉試獨力資助士林感頌後棟發授甘省古浪令委
修甯夏河度勢疏濬井井有條語載河工誌中從文
總制征金川遇事有識略文倚重之任灌縣屬金川
軍用概取資於灌值陰雨募夫修橋路飛挽便捷不
誤軍需體恤役夫辛苦厚貲以償役者歌曰居有積
倉行有裹糧我侯之德民不能忘歷署忠州崇慶州
以軍功累升涪州直隸邛州兼署成郡水利同知子
鳳起乾隆庚子順天舉人

王安援例授涿州牧轉調景州皆稱廉能補霸州水漲

安邑縣續志

卷四

人物

六

王發懇請發賑急不能待捐廉救濟兼得內助賢化妝
助賑購綿衣數千分給災民全活無算上游器之調
通州清繁理劇題升北運河同知隨事盡職有政聲
以子鳳翰誥贈中憲大夫

牛問仁乾隆癸未進士歷主條山桑泉講席士人矜式
任商水縣督修河堤水患賴以永息親課士子科名
蔚起訓俗勸農隱洽民心頌聲洋溢解組歸囊無餘
貲惟以詩書遺後著有牛敏夫稿子步奎甲辰進士
任河南新鄉縣恪守家訓政期惠民孫夢錕嘉慶己

卯進士歷任當陽濮川知縣清慎有祖父風

王宿善乾隆壬午舉人揀發廣東歷任羅定開建等州
縣政聲丕著署萬州有貿洋海船十餘隻載洋元百
萬有奇遇颶風颶至文昌縣境爲邏卒所獲疑爲巨
盜善奉委詳詰實福省賈也請釋之賈感德獻千金
辭弗受賈陳情福中堂大爲嘉獎調佛岡值歲荒捐
廉倡賑得萬餘金全活甚衆擢羅定州會前任虧項
八千金上官欲加罪譴善念寅誼願接補代償獲免
議吉中堂時爲總制考績爲通省最專摺保荐以年
衰致仕歸裝無餘貲惟書冊數卷而已著有澳門紀
略行世子賚舉道光壬辰鄉薦授沁水教諭孫肇璜

安邑縣續志

卷四

人物

七

入運庠

宋葆醇乾隆癸卯順天舉人具異才磊落不羈博極羣
書工詩善畫山水尤臻絕境名噪京師求畫者得片
紙愛護如至寶素博古辨晰歷代名物前賢奇器悉
鑿鑿有據每從敗土中獲奇珍一經辨識人始知其
異一時名公巨卿爭相結納生平不圖仕進好名山
遊儒者共慕其高雅

宋于涓乾隆己酉順天舉人歷任河南三署光州升湖
北隨州累著政績告歸厚親友恤宗族葺祠堂修墳

墓置祭田桑梓欽服

文梓庠優生道源之遺腹子也母氏丁
敕旌節孝梓痛母苦志色養倍摯得母歡心以家廟遠
在汾州舊籍霜露興感捐資重建宗祠舉族欣慰生
平待人寬厚周濟困窮鄰里咸推重之

張肇業由監生加捐遊擊事親至孝父病膝行叩禱神
祠病尋愈母歿迎養孀妯撫其孤以慰母靈事繼母
尤敬謹年五十出入必稟命焉父卒遺二妾年方盛
俱送歸母家人謂有魏顆遺風陵川賈客王蔭槐寄
金五百歸旋卒其家無知者書召其弟予之素善竇
敬禮禮病劇託以妻子業毅然自任卒撫貌諸成立

安邑縣續志

卷四

人物

八

聞者義之

郭其章嘉慶庚申舉人初父卒河南魯山往扶襯步雪
中足皸裂血出清汰糝不少休舉殯歸哀葬如禮歲
饑與弟醕章持館金往糶粟遇某鬻婦傾囊以予徒
手歸自屨藜藿宴如也力培文風相條山嶺脊建塔
肖文筆峰邑之科名從此日盛後官臨汾教諭課士
有方

王鳳翰字小蓬寄籍大興道光間舉孝廉方正嘉慶辛
酉中式順天舉人援例授內閣中書充方略館分校
協辦侍讀戊辰入直軍機己巳成進士以中書用擢

戶部四川司主事調禮部主事遷儀制司員外郎隨
扈木蘭校射布靶賞戴花翎擢祠祭司郎中充
方略館提調兼總纂官派翰林清逆案執法平允盡
釋株連次得京察以內艱歸里修名賢祠恤親族葺
祠墓置祭田獎進後學鄉里稱頌起復後補主客司
郎中充會試提調官兼督寶源局清介自持授湖北
荊州府戢和兵民審度地勢亟修得勝臺以防水患
未幾蛟水漲發邑賴無恐葺荆南書院捐廉生息添
膏火並增孤貧口糧士民咸感戴之調補武昌府兼
攝鹽法道擢雲南迤西兵備道所至有聲子鍾候選

安邑縣續志

卷四

人物

九

員外郎鑫候選鹽大使鑄候選中書科中書鉞鑣鎮
國子監生

郭醕章嘉慶辛未進士任浙江仙居俗獷悍動輒械鬪
醕以誠感格久漸歸化調鄞縣增堤開塘蓄洩山水
以備旱潦農民利賴之遷鎮海澹渠修堤從虞家堰
旁砌石爲楔每值江水漲流開楔引水灌田萬頃民
呼郭公楔升廣西橫州知州子迎暢道光己酉拔貢
同治壬戌領鄉薦授渾源州學正有詩文名

衛國才有義行值歲荒擇里中窮民按口給銀如是者
再鄉人感德邑令旌其門

李錫嘉慶己卯進士以知縣分發湖北道光乙酉戊子分校鄉闈皆稱得士歷任宣城孝感循聲卓著遷蘄州牧政尙簡易催科不擾訟無留滯斬民立碑以誌去思

王槃嘉慶間拔貢幼嗜歐陽書長寓京邸書法愈工名動一時後擢貴州獨山牧廉介自持嘗謂剝民脂膏鬼神不佑解組歸寒素如故

孫善繼由廩貢任高平縣訓導性孝友在籍置社倉修廟宇鄉里稱之子勵恭由優貢官山東壽張縣知縣文定邦太學生繼胞叔嗣嗣母嚴甚邦率妻周氏事奉

安邑縣續志

卷四

人物

十

文惟謹一日妻觸母怒令鞭妻復怒鞭輕罰並跪憤憤而寐時值大雪比醒雪已盈尺子婦雙跪如故怡然無忤容聞者感動事兄亦誠敬生平排難解紛輕財重義及歿用容悲號甚有家人不識者

楊載溶年十六人邑庠援例授詹事府主簿勤謹供職親老告歸極盡色養創建文昌先代祠修通惠橋並西門外石坡皆捐貲督工樂善不倦長子篤恭候選州同出嗣伯父孝事孀母數十年敬謹不衰捐修義倉施地基創建廟宇人謂善繼先志

李珣誥封資政大夫性敦厚喜施予遇稱貸卽許諾輒

不責償家業以是中落處之泰然子天錫補山東登萊青道天鏞援例授巡檢承恩任廣西布政使承清往徐州牧人以爲厚德之報

楊忠太學生母失明每晨親爲櫛髮寒暑飢飽調理適宜積久不懈鄉人敬服

文均太學生性極孝承仲父祧適嗣祖母失明諸藥罔效醫云惟舌餌最良由是每晨淨口餌之數年無稍間後因貧赴豫貿易妻劉氏復繼之久之竟能覩物人謂孝感

周錫爵善處家庭八世同居五世同堂男婦百三十餘

安邑縣續志

卷四

人物

十一

口雍睦無間言又施義地十五畝以周貧不能葬者鄉里稱之

柴毓英太學生生七日卽失恃賴祖母撫育泊長孝事祖母承顏怡志深得歡心祖母卒傾產治葬具爲人慷慨好義聞某孀婦因貧改醮己受聘亟約諸親造其廬喻以大義償如其值婦感悟遂苦守終身

惠萬紀武庠生候推都閩府性孝友樂施濟修廟宇橋梁出資不吝道光丙午丁未連年饑饉出金散粟以周貧乏鄉人德之

馬映鏞太學生性極孝父病諸藥罔效情迫嘗糞覺味

變哭語兄弟曰父病恐不起矣尋卒又從九褚立業亦因父病嘗糞與鏹並稱

姚文煥鄉飲介賓道光二十六年歲荒出粟百石賑濟鄉里散綿衣六十襲時人以好義稱之

靳爲政太學生撫弟文蔚最友愛家事鉅細悉以身任延名師教弟克成進士子良臣中咸豐壬子鄉式人以爲友于之報

惠于宗增生事孀媵如母終始無間言道光丙午大祲出粟賑濟鄉黨全活數百人生平救溺女捐棺木施藥餌周貧乏輒樂善不倦

安邑縣續志

卷四

人物

三

牛篤恭從九修道路葺廟宇不惜重資歲饑設粥祠堂以周族黨又出粟二百餘石助賑鄉里德之

柴清澗增生制行剛方邪曲見憚然居心極仁厚尤恤困窮置田產必厚其值隱寓哀矜親族貧乏待以舉火者甚衆子孫多入膠庠人謂厚德之報

張秉善太學生性廉潔嘗拾金千餘兩查係賈人王選馬逸所遺王訪至如數歸之酬以金不受

郭椿壽道光丁酉拔貢主講河東書院多士景從癸卯領鄉解乙巳貢禮部丁未成進士由庶吉士授編修

咸豐四年秋

上命詞臣繕錄貞觀政要充總校糾正數十事進呈

賜蟒袍江綉荷包優獎之署雷州府將抵任夢人授繡履

心疑有異至果有二婦鳴冤其夫陳寅閔彪皆在學

人也因某富挾嫌賄官誣以海盜置重辟椿閱前案

被刑在獲盜前情實不符遂平反昭雪之然以是忤

上官旨旋調廉州府適屬邑靈山失守遽令落職後

從軍開復原官以積勞病卒長子煥烈中同治癸酉

亞元次承烈入運庠

張溯源字海石歲貢生就職訓導家貧力學有盛名舉

比授徒循循善誘多士從遊膺鄉薦食廩餼入成均

安邑縣續志 卷四 人物 三

補弟子員者累累弗絕素友愛得修金輒分給弟兄

聞趙某因病鬻妻解囊貲助獲保全子懋績懋功同

時遊泮功由廩生中咸豐戊午副榜同治甲子舉人

長孫端次孫甲午皆入庠

楊如蘭道光甲辰舉人以孝友稱生平無請謁咸豐辛

亥舉孝廉方正邑有義倉眾推經理出內不苟課生

徒循循善誘遇寒素不納修脯主講汾陰書院造就

尤多由制科任四川通江縣有政聲

靳文蔚道光庚戌進士官戶部主事擅文名凡公車寓

京邸者咸以課藝就質殷勤斧藻多藉成就撫兄遺

孤良臣無異已出以母年大耋告歸奉養終身同治
間捻匪犯境勦辦城防邑賴以安主講條山書院學
者雲集門人領鄉薦捷南宮者相繼不絕著有詒燕
堂文稿待梓

郭迎暄其章子品端學優詩賦尤擅長咸豐辛亥舉孝
廉方正壬子中鄉榜主講解梁河中兩書院垂二十
年門下士捷南宮領鄉薦貢成均食餼遊庠者指不
勝屈授崞縣訓導以疾乞休弟迎暹由廩貢授中書
科中書嗣姪應麒中同治壬戌副榜

郭文燧同治五年舉孝廉方正治家有法七世同堂親

安邑縣續志

卷四

人物

十四

丁數十人雍雍和睦尤慷慨好施親族有貧苦者量
力周恤倡修邑東通惠橋城中節孝祠邑人爲立懿
行碑暨東門官道旁

李天錫由陝西未入流隨中丞和春游山左清查交代
有老吏持金五百爲人通關說峻辭拒之累遷平度
州免差徭減賦稅州人祠於南郊爲之語曰前方後
李誰堪與比升臨清牧奉委治河條陳疏濬事宜沿
河居民均被其澤建祠於鰲頭磯顏曰甘棠補曹州
知府興利除弊人呼生佛荐升登萊青道 賞戴花

翎曹州鉅野二處皆祀名宦

承恩由巡檢累遷廣西布政使 賞戴花翎少有犬
畧倜儻不羣守桂林時值粵匪猖獗督軍防勦百姓
倚爲長城任右江兵備道與士卒同甘苦軍號長勝
及任藩司籌餉無缺疾篤謂家人曰髮逆未平天何
遽奪吾算遂卒

姚汝均恩貢生同治間舉孝廉方正爲人守正不阿輕
財好義憫里中貧不能讀設義學捐千餘金舉歸社
長經紀已不與焉時謂制科得人

葛宗鄒少孤賴胞兄宗邵教養咸豐己未連捷進士授
刑部廣東司主事以母老告養歸有族嫂早孀攜孤

安邑縣續志

卷四 人物

五

滯京邸迂與偕歸衣食婚配悉身任之興復書院膏
火培植人文桑梓咸推重焉

朱春林運庠生好義舉同治五年瘟疫盛行施藥救濟
備棺木百餘具以周貧不能殮者刻楊忠愍公家訓
以勸世因茅津渡險倡捐資費造救生船鄉里稱之

劉濯理問銜升用知州陝西候補縣丞同治元年署盩
厔祖安鎮縣丞十月狗逆鴟張鎮當衝要濯協紳耆
練勇防堵明年正月賊股突至濯督戰力竭遇害眷
屬扶櫬奔盩屋城未幾城陷祖母侯孀母郭及女俱

殉難事

恩予優卹子仰青襲雲騎尉世職

劉振中道光丙午舉人任榆社教諭邑俗儉嗇貧者窘於資舉節孝者絕少因裁汰陋規實力採訪由是請旌者衆發潛闡幽爲諸邑最咸豐己未成進士由戶部主事出宰武強下車見城垣坍塌無遺詢之鄰邑亦然時青豫捻逆未靖亟集紳商捐資倡築工始竣而賊渡河冀北一帶蹂躪幾遍獨武強恃以無恐鄰邑百姓趨武獲全者不可勝計爲政尙簡易仁恕愛民邑人愛戴留去思焉

靳良臣咸豐壬子舉人沈靜寡言篤於倫紀叔文蔚病

安邑縣續志

卷四

人物

七

延醫嘗藥晝夜侍奉歷數旬如一日由大挑授馬邑訓導多士景從造就甚衆其有貧不能讀者輒給薪水歿後無餘資士子感其德賻助扶柩歸

李跟顛幼孤事孀母極孝母病欲食肉家貧不能供割股肉烹以進適舅至見血痕遽告其母母驚惕汗出而愈

武士選咸豐乙卯解元連捷貢士己未成進士授工部主事改知縣主講桑泉卍陽書院任直隸南皮縣創建書院親課生徒邑之薛家灣爲運河要衝督工築堤水不爲患宋逆掠境運籌畫策督率紳民先幾防

禦四境安堵皮民頌之擢同知加運同銜代理河間同知及天津縣歷著政績署大名同知時晉遭太歉奉委襄辦轉運挽輸迅疾民沾實惠子育元同治癸酉拔貢分發河南知縣

葛文杖增生學政德潤之元孫也性聰穎博覽羣書過目不忘以詩賦教授生徒成名甚夥著有河東防河

論

衛百行運庠生性至孝因母歿慟泣遂得目疾未幾父病癱晝夜侍湯藥衣不解帶者期年父歿哀毀骨立

尋卒

安邑縣續志

卷四

人物

七

楊文慶博士關金鐘陶永泰皆善事繼母書吏王克鳳府經郭琳蔡天恩歲貢柴續祖皆善事孀母王綬景賓政解士志鄉飲正賓宋際昌蔡聯貴恩貢劉宅吉監生趙好義皆盡子弟職王利用悔葬親薄不忍自備衣衾均以孝友稱

例貢柴國僑工古文書法主講歸化廳書院廩生郭玠和平沈靜郭璠工趙書舉人斬捷科律身最嚴均以品學稱

議叙布經白調元建社學例貢杜天全喜周急附貢候選知州葛廷璣喜施予捐修關廟庠生馬盱慷慨輕

財張以傑鄭天輔庠生衛效康皆輸粟賑饑武庠議
叙千總全振邦濟人以財負不責償商學歲貢王爾
芳憐人無嗣贈錢娶妾皆以好義稱

胡天祉著六淫剖辨衛華李嘉言率醫人不受謝皆以
仁術濟世

安邑縣續志

卷四

人物

六

柴世榮妻閻氏年二十一夫亾子崑在襁褓姑年衰家貧伯兄恐累已徙別村閻踰蹶奉姑養葬盡禮追崑成立漸能謀生理知伯兄貧不自給命崑毋念前嫌迎歸奉養爲兄子崑完娶舉子女皆婚嫁之終氏世兄弟子姪藹然一堂壽八十餘卒

張惟濂妻王氏二十六歲夫亾守節四十餘年卒

張其烈妻徐氏年二十夫亾撫姪爲子善事繼姑守節四十餘年

安邑縣續志

卷五

列女

一

貞女張氏生員張煒女也許字劉肅誥未嫁夫亾氏請奔喪父母欲令改適不許氏引刀自矢曰生爲劉姓婦死當作劉姓鬼必欲奪志惟有一死從亾人於地下耳父母不得已允之歸劉後敬謹事姑擇昆季子撫之賣簪珥勤織紡以俱讀卒令成立

景克恭妻劉氏十六于歸值翁病危人言糞臭可生遂嘗糞二十三夫亾子秀甫三歲家酷貧親族勸再醮劉撫兒泣曰景氏之嗣祇此而已安忍棄絕後復勸劉佯諾入室用鍼刺面塗以墨出語衆曰母子卽餓死不累親族也遂苦守終身

景巍妻王氏年十九夫亡無子撫姪敦厚以續夫嗣守節五十餘年

監生王澤妻張氏年二十三夫亡無子誓以身殉時祖姑與姑俱衰暮語氏曰汝盡節奈老身何氏感悟泣受命茹苦含辛力盡孝養叔汲與妹四人俱幼撫養婚嫁皆盡心經理堂姪應芬生逾月嗣爲子恩勤鞠育迨至授室生子苦志迺少慰焉

監生曹璿繼妻張氏年十九夫亡孝事翁姑撫前室子兆鳳恩勤備至乾隆丁酉兆鳳領鄉荐人以爲賢孝所感

安邑縣續志

卷五

列女

二

庠生呂嘉穎妻汪氏鹽運分司汪燦女也安徽旌德縣人乾隆五十年歸穎閱四年穎赴京省親氏隨父河東任署踰歲穎故京邸訃聞汪哭踴悲號屢尋自盡得救免一日至五更時防護稍衰服毒卒

生員葛元陽妻宋氏年二十二歲夫亡二子幼嫡姑早逝事翁以孝聞奉生母尤盡色養憫夫兄無子以己子嗣之時以子道相勗勉稍長擇師課讀不以姑息曠功苦節三十餘年卒

吳恂妻王氏年二十二夫亡三子俱幼家素貧躬操井臼竭力事孀姑飲食供奉得其歡心姑病焚香禱天

願減年以代暨姑歿哀毀骨立鄰里欽之以夫久困
名場臨終猶以未博一衿爲恨因嚴督諸子讀書冀
慰夫志資用不給輒質簪珥以供讀卒獲成名次子
經由拔貢授河南原武知縣季子綸亦英年入泮學
使旌其門

監生關振都繼妻呂氏年二十五幼子步瀛歲方週夫
病篤泣謂氏曰吾家貧母老子幼前室女未字汝年
又艾可奈何氏剪髮誓曰貧苦吾命耳庸有他夫歿
事姑極孝姑病朝夕虔禱願減年以代病尋愈撫女
如己出延師課子資費悉恃女紅後步瀛入泮提學

安邑縣續志

卷五

列女

三

給匾旌門

李毓颯妻郭氏翁宦廣西從夫隨任年二十七夫亡無
子痛不欲生以姑臥病忍死侍奉未幾姑歿氏扶柩
櫬歸葬撫姪爲嗣逾年殤嗣族子甫娶妻又不祿苦
節無後聞者悲之

文檜妻陳氏年二十三子生十七日而夫亡貧不能殮
氏懇親族賙助歸窆家無擔石惟恃績紡爲生鄰人
憫之婉諷改圖父母哀其貧勸益苦氏仰天痛哭遽
入室自刺其面誓不貳遂苦節終身

運庠生孫玉蘊繼妻張氏年二十二夫亡無子嫂方娠

氏日夜祝禱求生男爲己嗣洎分娩果男也彌月卽襁褓撫之名曰可繼恩勤鞠育數十年人不知其非己出者氏歿可繼任西城兵馬指揮 晉贈恭人李延忠繼妻劉氏年二十八夫亡子二歲家貧劉矢志守節撫孤成立以勤儉訓後家教最嚴子婦率循惟謹後家漸裕稱小康焉

孫弑妻李氏年十七夫亡無子事翁惟謹厯奉繼姑楊氏張氏皆以孝稱時叔錦方讀書辛苦操持不以家事累叔後錦生二子長澤深承翁命撫爲己子旣授室與婦俱亡僅遺一女適錦與次子澤溥亦相繼亡

婁邑縣續志

卷五

列女

四

遲數歲撫孫廷桂爲嗣苦節六十餘年

郭磐繼妻南氏年十八歸磐未逾旬磐故以雙親衰老忍死事奉越十六年仲弟生男甫彌月翁姑命撫之名曰梧榮恩勤教育獲入邑庠學使給匾旌門

副貢馬祁遇妻周氏相夫以禮場夫苦讀每以紡績分勞祁之奮勉成名得內助之力居多初于歸兩月姑遽亡遺二女俱幼氏以未終事姑爲憾恩勤撫妹用慰姑靈年二十八夫亡遺二子苦心鞠育皆獲成立有從堂叔女二幼失怙恃氏撫如己出擇配遺嫁均

令得所守節三十餘年卒

運庠生郭含章妻宋氏戊辰進士南雄通判宋鑾女也
幼嫻母訓習女儀歸含章敬事舅姑孝養無間年二
十六夫亡子迎曙方在襁褓舅姑且老氏事畜兼盡
歷試艱辛延師課子不少姑息迎曙英年入泮得力
於母教居多孫應麟鬢齡命就外傳督課如迎曙時
王柝妻李氏年二十四夫亡子幼氏孝事翁姑教子成
名子德元弱冠入邑庠守節三十餘年

王兆元妻劉氏永濟縣教諭劉禮女也年二十一夫亡
守節三十餘年

郭喜幃妻劉氏年二十夫亡無子矢志不貳事翁姑以
安邑縣續志

卷五

列女

五

孝聞撫胞姪爲子訓以義方卒令成立守節四十餘
年卒

張魁元繼妻祁氏年十九夫亡生一子尙幼氏矢志靡
他教子成名俾弱冠入邑庠食廩餼人謂苦節之報
學使旌其門生平待夫兄姊恩禮兼盡前室遺二女
視若己出遺嫁妝送極盡心力後二女俱亡皆爲撫
孤課讀藉紡績爲攻讀資時議賢之

曹景瑞妻郭氏年二十六夫亡生子女各一皆幼穉貧
不能殮典衣鬻室以葬氏念夫出理學名臣于泮後
立志苦守惟恐有玷清門無屋棲止寄居母家以鍼

工爲生活隆冬無被子女偃傍而臥竈冷無煙每食不飽甚至併日一食茹荼療飢習以爲常未幾子女俱夭熒熒子立艱辛歷試益勵冰霜族人哀其邇以堂姪振宗爲嗣禮祀賴以不墜

喬邦英妻費氏年十九夫亡子幼事翁姑以孝聞子稍長入塾讀書氏時加訓誨及子病故撫遵孫恩義兼盡守節四十餘年

王葵妻介氏年二十六夫亡守節五十餘年

郭儀妻馮氏年二十八夫亡翁姑年邁孝養無缺時子女俱幼恩勤撫育備歷艱辛守節二十餘年

安邑縣志

卷五

列女

六

李銑妻郭氏舉人郭俊章女也十九歲夫亡無子嗣以姪孫守節四十餘年人無間言

王福元妻張氏年二十五夫亡守節三十餘年

楊載演妻解氏年二十夫亡無子姪篤恭生方彌月撫爲子愛養如己出教誨成人守節五十餘年

裴忠妻蔡氏年二十三夫亡無子撫姪爲子無異己出守節二十餘年卒

廩生李充廉妻景氏年二十九夫亡守節三十餘年

張振妻郝氏年二十九夫亡守節六十年

王士元妻陳氏年二十六夫亡子女三俱幼氏教子讀書

訓女習女紅克勤克儉始終如一守節三十餘年
景仰霖妻姚氏年二十夫亡遺腹生子如璋氏念夫昆
季三人僅延此一線愛憐雖塾教訓惟嚴卒獲成立
稱克家焉

郭來祺妻劉氏年二十一夫亡子千里甫半歲翁姑俱
七旬餘氏銘心矢守事撫兼營隱痛夫亡椎心飲泣
及見舅姑輒解顏承歡懼觸親慟子能學課讀不少
寬後千里遊泮食簞入成均皆氏力也季孫成鳳舉
咸豐壬子鄉榜授絳州學正人以爲節孝所感

張凌雲妻王氏張凌霞妻王氏並以節孝稱初凌雲卒
安邑縣續志 卷五 列女 七

妻年十九子甫半歲撫育成人翁姑漸衰事奉能得
歡心姑歿娶繼姑甚少敬事無違言凌霞卒妻年二
十一未嫁時卽以孝聞及歸霞事翁姑如父母夫歿
矢志柏舟屏脂澤足不登門一門雙節閭里欽慕
李友梅妻邵氏年十八夫亡生一女無子撫堂姪李重
河爲子守節四十七年卒

監生文均妻劉氏初歸均翁姑已逝祖姑年逾八旬雙
目失明出入扶持事奉惟謹族黨以孝目之年二十
八夫亡二子倬億及一女俱幼苦心撫育憫夫兄無
子命億爲嗣課倬讀書督責綦嚴不少寬假英年獲

入邑庠長孫卞年舉咸豐戊午鄉榜授朝陽知縣
贈恭人

王嘉貴妻吳氏生員吳天錫女也十九歲歸王家貧舅
姑老且病佐夫奉事禮無廢二十九歲夫亡所生二
子俱幼貧益甚族人勸再醮誓死靡他勤習女紅爲
生計勤儉持家漸獲充裕夫胞姊妹五皆善視之敬
長慈幼始終如一卒年七十九歲孫閏入運庠
景天驥妻陳氏年二十八夫亡子幼姑老病癡定省供
養曲體親心至病危晝夜扶持衣不解帶訓子成名
惠恤鄉黨卒年七十八歲

安邑縣續志

卷五 列女

八

段祥鳳妻宋氏年十五夫亡矢志柏舟方于歸時翁姑
年已衰家道拮据朝夕奉養怡志承顏始終無倦及
翁姑歿氏哀痛異常族黨敬服

劉侯氏署陝西盩厔縣丞劉濯之祖母也與濯媼母郭
氏女桂姐俱住濯任值徇逆至濯迎戰陣亡扶濯柩
寄居盩厔未幾髮逆陷城罵賊不屈俱被害

姚務本妻景氏 毛世康妻李氏

張一體妻王氏 王銘新妻張氏

張書勳妻章氏 郭學周妻樊氏

姚鶴齡妻牛氏 趙文周妻張氏

王玉書妻貞氏

王有成妻郭氏

武生姚萬紀妻李氏

張仲魁妻王氏

王步曾妻李氏

趙廷璧妻劉氏

王敏行妻馮氏

舉人王依中繼妻李氏

楊振興妻趙氏

郭元勤妻楊氏

郭德玉妻拜氏

王悅妻郭氏

生員樊樹粟妻馮氏

姚文選妻張氏

相梁妻向氏

郭占雲妻董氏

荆紹緒妻趙氏

王恩濟妻劉氏

南顧仲妻郭氏

謝懷秀妻黃氏

安邑縣續志

卷五

列女

九

張玉鵬妻楊氏

白俊元妻張氏

楊臨江妻郭氏

雷育毅妻王氏

景昀妻周氏

雷登庸繼妻董氏

雷都文妻裴氏

南向明妻景氏

劉效文妻張氏

張鶴年妻柴氏

張正華妻李氏

謝樹楹妻劉氏

王百朋繼妻馮氏

王有智妻張氏

高啟貴妻張氏

岳師閔妻李氏

王安成妻馬氏

王元龍妻李氏

徐治忠妻李氏

徐世清妻張氏

王太安妻衛氏

生員郭高妻曹氏

柴震妻周氏

生員景京元妻楊氏

陳效仲妻周氏

曹丕烈妻呂氏

李昌倫妻閻氏

李榮根妻賈氏

馬成俊妻薛氏

薛廣善妻趙氏

喬金耀妻薛氏

姚海南妻關氏

劉彬妻郭氏

劉生妻宋氏

曹景瑞妻郭氏

宋德林繼妻王氏

馬天成妻裴氏

宋若浞妻胡氏

劉錫五妻張氏

王盞妻晁氏

安邑縣續志

卷五

列女

十

李璵妻王氏

崔九烈妻董氏

王佳德妻上官氏

和而介妻黃氏

王楓妻周氏

郭致中繼妻劉氏

景萃梓妻劉氏

劉冠妻宋氏

劉永春妻景氏

舉人何笈繼妻雷氏

張承福妻王氏

許榮遠繼妻張氏

許榮光妻周氏

李廷蘭妻王氏

衛德華妻張氏

劉迪康妻王氏

胡逢元妻曹氏

衛永成妻全氏

楊敏德妻李氏

王汝技妻岳氏

王振遠妻李氏

楊守禮妻柴氏

衛懷瑜妻宋氏

曲夢祥妻宋氏

監生郭文炳妻張氏

張振功妻靳氏

張問明妻牛氏

張問政妻王氏

褚立言妻武氏

靳映斗妻秦氏

王成甲繼妻姚氏

王守德妻張氏

滕設學妻相氏

喬天祥妻王氏

李含芳妻謝氏

李金妻丁氏

張寬妻牛氏

景學孔妻楊氏

樊志得妻劉氏

景武元妻宸氏

安邑縣續志

卷五

列女

十一

馬致中妻牛氏

燕尊孔妻景氏

廩生薛燮訓妻李氏

呂鳳儀妻張氏

張書達妻毛氏

相承緒妻衛氏

景星爛妻皇甫氏

于總郭世誥繼妻許氏

柴梧妻徐氏

王紀妻閻氏

靳如暘妻謝氏

貞世賓妻岳氏

王路妻葉氏

靳一勤妻劉氏

楊廷元妻梁氏

王昇齋妻趙氏

景朝柱妻解氏

張遠齋妻宋氏

馬養鵬妻胡氏

馬來西妻樊氏

周永春妻王氏

李占魁妻李氏

景雲峯妻張氏

宋文垣妻王氏

王存仁妻康氏

李升文妻樊氏

王清渚妻馬氏

樊向準妻鄭氏

鉄景陽妻郭氏

郭元右妻王氏

李川妻張氏

劉作邦妻衛氏

張鳳耀妻郭氏

郭步清妻楊氏

蔡聯陞妻劉氏

王建勳妻喬氏

李承家妻楊氏

王光熊妻張氏

馬逾濂妻郭氏

安邑縣續志

卷五

列女

三

劉恩和妻靳氏

張令慶妻劉氏

樊可立妻靳氏

張人和妻閻氏

葛近洛繼妻丁氏

李向震妻孫氏

陸秉茂妻王氏

李進財妻王氏

衛君正妻張氏

楊霑霽妻張氏

衛廷康妻董氏

王恩道妻宋氏

馬折桂妻吳氏

關肇鯤妻郭氏

監生王恩澍繼妻陳氏

王紀妻李氏

王協中妻李氏

李鑾妻王氏

以上自柴世榮妻閻氏起至此皆已題請

旌表

張輔清妻衛氏

馮文鳳妻蔡氏

李陶氏

王喜妻衛氏

陳廷鐸之母李氏

喬大榮妻張氏

荆芝秀妻王氏

何其煊妻秦氏

庾鏞之母李氏

焦承林妻劉氏

王詔之母景氏

皆世越之母柴氏

郭儀妻馮氏

馬誼之母張氏

馬祁遇妻周氏

李源瀚繼妻郭氏

生員宋汝愚妻王氏

李春芳妻王氏

安邑縣續志

卷五

列女

三

舉人郭煥烈妾李氏

李周玉妻張氏

李天恩妻楊氏

教諭羅克敏妾張氏

李向震妻王氏

景凌辰繼妻許氏

王富疆妻文氏

景有仁妻王氏

喬銘妻郭氏

王自立妻樊氏

劉紹秀妻牛氏

生員楊棟妻王氏

馬有光妻薛氏

衛自會妻王氏

衛自立妻吉氏

監生張問明妻李氏

衛學孝妻喬氏

柴克義妻裴氏

二品封典李珣繼妻董氏

馬鳴玉妻喬氏

姚附翼妻焦氏

岳高秀妻相氏

李賜福妻柴氏

姚發祥妻周氏

和展益妻黃氏

杜立妻陶氏

王懷經妻文氏

王小興妻侯氏

牛夢鎬妻任氏

相尊論妻岳氏

王長元妻仝氏

相連捷妻景氏

張佐妻龐氏

景興邦妻荆氏

王發妻鉄氏

王世杰之母劉氏

馬定祥妻周氏

景照發妻皇甫氏

景東妻喬氏

景克信妻薛氏

安邑縣續志

卷五

列女

四

郭天義妻趙氏

王恩榮繼妻康氏

文治邦之母吳氏

張永祥之母劉氏

景檀繼妻葛氏

景越發妻袁氏

喬壽妻郭氏

張守業妻鄭氏

吳甲妻靳氏

張聖禮妻靳氏

梁孟銘之母劉氏

張聖典妻邢氏

郭暉垣妻文氏

祁肯堂妻張氏

張馭富妻景氏

相平格妻周氏

武生段凌雲繼妻景氏

劉天錫妻閻氏

劉念祖妻薛氏

樊廣元妻喬氏

相符節妻張氏

相復達妻王氏

李九榮妻張氏

生員周錫衮妻衛氏

周錫齡妻張氏

理問銜朱鏞妻許氏

李廷杰妻王氏

張榮妻宋氏

從九朱文蔚妻張氏

生員郭曜垣妻張氏

任盡善妻張氏

生員李庭華妻葉氏

陶四維妻南氏

相天賜妻羅氏

張爾鏐妾申氏

張存財妻董氏

相滿斗妻景氏

王漢章妻衛氏

相爵妻范氏

張開福妻全氏

安邑縣續志

卷五

列女

五

仝魁年妻段氏

王鐸之母段氏

王鐸妻景氏

王恩選妻惠氏

惠萬世繼妻李氏

楊德全妻南氏

王兆福妻田氏

張昌妻任氏

楊明錫繼妻王氏

景配義妻郭氏

周百讓妻馬氏

劉恩和妻靳氏

曹文朗妻郭氏

王一鶴妻姚氏

康廷鵠妻張氏

王廷椿妻譚氏

從九衛福康妻李氏

貢生李鑾繼妻里氏

武生楊周禮妻張氏

生員柴建東妻楊氏

武生邢原本妻劉氏

樊同海妻薛氏

樊同茂妻

全升甲妻李氏

馬若麟妻馮氏

馬思忠妻牛氏

馬君渴妻王氏

馬用倉妻牛氏

馬有祥妻張氏

馬若龍妻牛氏

馬鳳德妻樊氏

馬學禮妻郝氏

王思孔妻喬氏

劉萬鎰妻馬氏

從九劉熬妻牛氏

馬福祿妻郝氏

張天恩妻劉氏

樊生輝妻劉氏

樊治民妻劉氏

王意克妻馬氏

安邑縣續志

卷五

列女

六

楊全昇妻史氏

楊可興繼妻王氏

楊成棟妻全氏

楊致勤妻王氏

楊孝安妻李氏

楊福星妻劉氏

件六經繼妻賀氏

樊鳳鳴妻楊氏

張世瑄妻相氏

楊昌賈妻任氏

張應瑞妻解氏

劉震妻薛氏

張匡全妻邵氏

邢占魁妻張氏

馬戊申妻衛氏

馬鳴苑妻張氏

李長泰妻柴氏

李起蛟妻張氏

張承禱妻李氏

郭迎敷妻馬氏

孫綿繼妻常氏
增生何維翰妻路氏

李登瀛妻晉氏
王太平妻張氏

丁鳳詔妻王氏
王連珠妻張氏

增生孫勵訥妻李氏
楊成吉妻謝氏

王方寅妻李氏
周曰簞妻王氏

生員周曰庠妻柴氏
南春林妻朱氏

李志濂妻喬氏
張星雲妻王氏

張永福妻王氏
生員孫勵祥妻景氏

生員王敬妻張氏
孫胎妻杜氏

馮雲河妻郭氏
趙光普妻裴氏

安邑縣續志
卷五
列女
七

邵成志妻張氏
生員劉本妻李氏

生員景應庚繼妻衛氏
周雲會繼妻景氏

牛正福妻何氏
牛篤信妻郝氏

生員申廷英妻景氏
景培壇妻何氏

曲德馨妻劉氏
劉懷祿妻李氏

柴森妻王氏
牛錫甯妻董氏

景黑妻李氏
王念祖妻晁氏

監生景岷山妻趙氏
生員景麗東妻劉氏

生員王映橋妻姚氏
姚金發妻馮氏

樊自厚繼妻上官氏
郝廣德妻馬氏

陶效亢妻李氏

董正德妻李氏

王育德妻姚氏

陳月明妻郭氏

李柏齡妻裴氏

尉澤妻惠氏

楊泰來妻李氏

張玉才妻王氏

張致和妻王氏

賈純章妻郭氏

張義隆妻解氏

王念堯妻車氏

李全澤妻張氏

馮扶清妻呂氏

王喜成妻薛氏

殷起德妻樊氏

喬文炳妻王氏

景韶妻任氏

楊兆祥妻張氏

王慶雲妻衛氏

安邑縣續志

卷五

列女

六

劉鏞妻王氏

馬折桂妻吳氏

馬逾濂妻郭氏

李昌言妻楊氏

郭鎮封妻楊氏

侯宗文妻喬氏

田起鵬妻周氏

喬鵬年繼妻何氏

焦以熙妻張氏

白輔清妻武氏

劉福濤妻蔡氏

張馥桂繼妻李氏

陳鏐繼妻韓氏

馬六德妻王氏

陸兆智妻王氏

舉人邊嘉謨側室周氏

從九張應泰繼妻陳氏

胡監檀妻閻氏

關應詔繼妻相氏

景玉楫妻徐氏

李俊妻馬氏

雷以宛妻姚氏

樊克讓妻席氏

曲永義妻上官氏

曲植蘭妻范氏

樊步盛妻梁氏

徐心元妻李氏

李福康妻張氏

徐愈全妻張氏

馬夢麟妻薛氏

尉倬妻張氏

王清渚妻馬氏

以上自張輔清妻衛氏起至此皆係已故節孝與

論允孚依次彙誌以備題請 旌表用慰貞魂

安邑縣續志

卷五

列女

五

安邑縣續志卷八

古蹟

曹恪碑在縣東二十五里石碑莊碑由土中掘出村以是得名惜風雨剝落字多不能辨認然風骨猶存識者寶貴之

房公井在縣署東卽邑令房之屏舉家殉節處事詳舊志

鳳凰橋在邑西一里許相傳建橋時有鳳凰至故名之賀仙姑塚在賀村鋪距縣治八里許村西有大塚土人指爲賀仙姑葬處村以是得名然碑碣無存不詳所

安邑縣續志

卷六

古蹟

自始姑誌之以俟考

賀仙姑塚在賀村鋪距縣治八里許村西有大塚土人指爲賀仙姑葬處村以是得名然碑碣無存不詳所

志

鳳凰橋在邑西一里許相傳建橋時有鳳凰至故名之

曹寶貴之

房公井在縣署東卽邑令房之屏舉家殉節處事詳舊志

鳳凰橋在邑西一里許相傳建橋時有鳳凰至故名之

古蹟

祥異

嘉慶九年歲歉 十年六月旱糧價昂貴 十九年六月淫雨山水暴漲姚暹渠決沖壓民房無算 二十一年地震壓斃居民甚多坍塌官民房舍 二十四年八月大雨姚暹渠決沖壞任村民房數十座

道光二年八月淫雨姚暹渠決坍塌民房四五百間

十二年七月大雨姚暹渠決至八月淫雨不止涑水河漲發北相鎮等村沖倒民房禾亦大傷縣令韓寶鏗捐廉撫恤 十四年六月姚暹渠決水由東關漫

至南關沖倒鋪舍及附近民房無數七月姚暹渠白

安邑縣續志

卷六

祥異

二

沙河水漲沖破黑龍堰縣令李孔醇捐廉撫恤 十

五年六月大雨姚暹渠決七月姚暹渠通惠橋決八

月朔急雨如注姚暹渠水入鹽池 二十四年三月

苦池村灘水漲發生蟲麥盡傷六月西北鄉岳灘等

村蟲傷禾 二十六年夏秋大旱斗麥易銀七錢餘

七月有赤星大如月光芒四射自南而北少頃天鼓

鳴 二十七年三月雨秋大熟八月淫雨四十日十

二月初五夜復有大星如火彈自南而北天鼓鳴

咸豐五年六月大雨中條山水暴發漫入從善等村沖

倒民房壓死人畜無數

同治元年七月張良斐郭苦池等村有飛蝗自東南來
未傷禾

光緒二年旱 三年大旱二麥不登遂大饑全晉成災
者七十餘州縣而省南被災爲尤酷赤地千里山童
水枯越次年二月猶不雨穀麥價倍昂秦豫接壤概
屬災區商販不通斗米易銀二兩餘居民競變產迄
無受者賣妻鬻子女得值不足數日餐草根樹皮剥
掘殆盡道殣相望村落爲墟愚民易子而食甚則骨
肉相殘彊梁者愍不畏法白晝搶奪聚散無常幾不
靖會威毅伯曾 巡撫山西前工部右侍郎閻 奉

安邑縣續志

卷六

祥異

三

命稽查賑務駐節河東其郵時艱連章入 告仰沐

皇仁優渥疊沛

恩施亟撥戶部庫欸江廣東漕飛運救濟人心粗定猶慮
涓滴無補請於山東三江兩湖浙廣四川諸省籌撥
巨欸復函布各督撫迫切求助迺獲各籌數萬金源
源接濟並 奏開籌賑例以裕賑需剋日買糧平糶
量災放賑核飢民多寡計口授糧多設粥廠用郵老
弱災黎始慶更生適鄰邑羣不逞聚眾出沒河濱誘
脅飢民藉端滋擾立飭解州直牧馬丕瑤率勇追捕
擒獲首逆梟示餘眾解散他處匪徒望風震懾四境

以安又 奏請蠲免錢糧散放籽種銀使農民播種
有資至五年夏麥稔收上下歡慶惟十室九空地多
荒萊故收穫甚僅復 奏請緩征荒糧發牛馬給銀
俾墾荒地裁減差徭以蘇民困億萬災黎不啻出水
火而登衽席矣邑自三年十一月開賑知縣趙輔堂
督率紳董核實散放不假吏胥之手以杜侵漁計食
賑飢民二萬一千二百有奇大口日給銀八厘小半
之十二月添賑寒士一千四百餘大口日給一分小
口減半至四年二月改發糧米大口八勺寒士一合
小口均減半迨至五年正月見存糧充裕由漸遞加

大口加至每日一合五勺小口八勺半陸續放賑共
五百餘日計領過京庫及運腳銀一萬六千八百兩
有奇本邑紳民捐銀一萬八千四百餘兩四川程藩
司豫捐銀二百五十兩由平陽鐵謝翼城等局領小
麥高粱各色糧共六千五百四十餘石本邑倉穀三
千一百餘石復由本地採買數十石儘數散放無存
並發綿衣千襲此外於四年分放倉穀五百石領散
籽種銀五千兩酌給農人高粱菘豆小麥諸種一千
二百五十餘石領發牛馬三百餘頭折收半價銀二
千三百餘兩並道庫領銀千兩統爲開荒資查明無

主荒地四十三頃三十六畝七分一釐按畝給銀五錢有主暫荒地七十三頃五分三釐一毫畝給二錢概招佃墾種又蒙一奏請蠲免錢糧奉

旨恩免三年下忙地丁並商稅銀三萬一千六百九兩五錢一分八釐四年兩忙地丁等銀六萬四千六百六十九兩一錢三釐五年下忙地丁銀三萬一千六百一十三兩二錢八分五釐又絕荒地四十三頃餘通年應征銀四百七十三兩一錢五分六毫六絲免征四年暫荒地七十頃有奇通年應征銀八百一十一兩六錢九分九釐三毛四絲免征三年統自光緒五年

安邑縣續志

卷六

祥異

五

年爲始安特葭爾邑一遭災祲蠲免並施已耗

國帑數十萬之多以此類推全晉可知秦豫可無論已

天恩憲德所當萬世無忘也謹詳志如右 五年狼出爲

患白晝傷人經河東道江 懸賞掩捕並虔禱神祠

患寢息

大夫夏直臣也犯顏力諫爲千古諍臣楷模後世壹折檻皆接大夫之踵然天眷有德已命成湯正域彼四方妣王九鼎當遷於亳都非人大可回矧忠言逆耳安能以正色危論上動宸聽哉康熙壬申圖奉命視鹺按安邑誌龍逢公墓在縣東北二里許有雙塚乃詣大夫之墓拜之祠已無存基址尙在因立碑於此吾意忠魂當時遠青臺矣

重修杜村杜公墓碑記

邵仁和 邑令

邑城北杜村有杜康墓在焉余自宰茲土務與民休息

安邑縣續志

卷六

藝文

六

不妄營建然於勸課農桑之暇憑吊山河訪古名人遺蹟又恆急爲表章夫杜康風流傳稱千載使一杯零落碑碣荒涼與衰草寒烟同歸滅沒亦闕略之事也爰捐俸鳩工謀所以新之不日之內刈蒿培土邱隴巍然種樹植碑佳城鬱鬱父老請余文以記其事考諸方策其記載康姓氏者寥寥亦未詳其出處惟王著絕交書曰康字仲甯或云黃帝時宰人號酒泉太守魏武帝樂府云何以解憂惟有杜康張茂先博物志曰古有杜康善造酒以酉日卒故造酒者忌酉日如是而已至王績杜康廟碑醉鄉記則備言酒德且謂西晉時人按酒泉漢

郡太守秦以後官名與黃帝時相去固遠絕若以爲晉人又何緣見於魏武之時且茂先同時何得稱古傳聞之辭皆不足信闕疑可也昔夷狄作酒而美進禹飲而甘之之二子者皆產此土並以酒人稱未知孰先孰後大約古之賢豪得遇於時則功名事業彪炳人間不遇則降志辱身善自藏匿鬻餅賣醬亦足傳世如康者其亦君子之風而不得志於時者之所爲歟後有同志履其地景其人抑亦見余表章之微意云爾康熙三十六年丁酉四月

邑侯張公碑記

景

邑人

安邑縣續志

卷六

藝文

七

敕授文林郎張公諱縉鄉進士雲南通海人今遷郡守
邑民戴德創建書院碑記歲丙戌邑侯張公奉

簡命來治茲土甫下車肅綱振紀早有神君之譽旣而良法美意叠出不窮不數載而百廢俱修矣安乃大治邑民感之爰卜地東郊建立祿位以誌謳思於不忘遂顏其匾曰秀山書院後樹豐碑勒侯姓字其地在峙條嶺右繞河渠雉堞屏其前茂林擁其後壇爽崇閣稱勝境焉由是入斯院者悠然而愛生肅然而敬生其歷千百年如一日侯之德幾與天地共悠長矣夫世之長民者甚眾候何以得此於安也蓋其學術宗乎橫渠治譜

續乎漁陽經綸內裕設施迥異則撫我民而民愛之固其宜也夫豈同強邀倖致者哉內計中庭三間窰房三間文昌閣一座廚房三間門樓一座外舖六間時北來佛弟子數輩館棲其中置地三十餘畝供其伊蒲且永爲看守者薪水之資糧寄鳴條坊二甲今工程告竣衆議勒石以垂不朽屬叙於余謹詳其始末如此康熙五十七年戊戌十月

馬孝子傳

邵錫膺

邑令

孝子馬祚錫字振公乃銓部郎玉筍先生冢嗣幼服庭訓言動不苟卽毅然以君子儒自期待長從徵君孫鍾

安邑縣續志

卷六

藝文

八

元遊得理學真傳遂奉守身事親之意爲兢兢早失恃侍父備極色養事大母如事其父及父歿廬墓三年未嘗見齒尋以承重罹大母憂復廬墓如之哀毀骨立歷六載若一日遇朔望生忌之日孺慕肫切垂老無懈微君先生爰寄詩以贈有司並憲台俱給匾旌闡康熙乙酉由歲薦任屯留司訓甫託穉詳開教條首德行次文藝以身先之定課士之程按期校文捐俸薪力爲供給至於創設祭器修學宮要必稱職無忝而後快學藏五倫書六十二冊手錄成編約以四卷爲諸生式將有觀感而興起者又念孝經乃百行之原教化之大本舉生

平所措於躬而得之心者纂爲解義以垂訓來茲非所謂先行其言而後從之者耶若夫刻文集紹先訓也叙鄉賢邇世德也刊定家譜置立祭田繼先人之志而述厥事也合始終以觀公洵純孝其人哉年七旬八以疾卒於官所著有五倫日省檢身淺語三先生合刻藏於家子謙升邑增生謙益以拔貢中己卯科舉人咸能讀其父書嗚乎其源流遠矣

修復房公祠並建井亭記

高其勳

邑令

明思陵之末造流寇陷潼關渡河而東一時州縣望風潰降而安邑令房公之屏獨抗節不屈至今民稱之縣

安邑縣續志

卷六

藝文

九

署東偏井其死所也初公有祠在井旁歲久而圯前令某君移其主於城外之張公祠余來視邑事以爲於舊宜也謀復之且亭其井以表旣葺工乃卜日遷主而祀焉嗚呼一祠之有無何足爲公益損而是井固爲公有矣井亦何足重公危太朴之井辱矣豈不以其人哉且夫忠臣義士仗節死義此豈其志願嘗欲爲名者哉且流賊逼關時倘令河以東有重鎮擁嚴兵距河而守則賊不得渡公可以無死卽渡矣假當平陽蒲坂間皆能如公竭死力固守禦不致令賊長驅如入無人之境則公猶可以不死奈何一斗大城獨以孤忠抵拒矢已援

絕卒用不保謝北闕訣慈母令子女各自裁而身隨以死公死太原敗甯武殲大同降明社墟矣九仞之井乃爲公成千古之名也豈所幸哉豈所幸哉然則茲祠之復亦猶非公願也雖然曾南豐有言人之嚮往之不足者非祠則無以致其至也甘棠聽政後人猶封其樹焉況於公所殉義之井哉茲予所以復祠與建亭之意也遂爲之記乾隆四十六年辛丑九月

長春觀重修碑記

葛朝陽

邑人

粵稽周禮著天官地官之制禹貢詳導水疏水之規蓋以天位乎上地位乎下水則周流無滯其利溥其澤長

安邑縣續志

卷六

藝文

十

而其神化無測者亦永垂久遠而不可沒吾邑舊有長春觀居大街之中創自元至治辛酉年內僅立三清殿至宏治乙丑邑人士又建三官殿於三清殿之前更立香亭以爲拜祝之地又樹寥陽門以壯觀瞻規模廣大矣奈歷年旣久風雨飄搖殿宇日漸傾圮本坊楊公字吉天者覩廟貌之殘缺怵神像之剝落慨然立志重修遂起而首倡之又會合同人各量己力以出資財無募化之煩無紛擾之事數旬之內得一百三十四金楊公遂獨肩其任而王一字郭履安王實齋亦相與贊襄之於是選料鳩工朽者更之缺者補之不事華麗惟以堅

固久遠爲期其經營備至不五月而歲事而廟貌煥然
新矣夫楊公以古稀之年不憚勞瘁而與一字諸公踴
躍從事以相與觀厥成所謂樂善不倦者歟將立石囑
余爲之記余年亦七十矣致身歸田復何敢言文然久
沐
聖朝之恩膏常佩先人之遺訓居常有利於人有益於
鄉者靡不忻然嚮往之而有志未逮是役也余喜楊
公之好善又以見同人衆善之緣而樂世教之昌旺也
故不敢以不文辭爰述顛末而爲之記乾隆五十四年

月日

安邑縣續志

卷六

藝文

七

先賢段干木碑記

楊 玠 邑人

段干木者魏文侯時人與卜子夏田子方俱爲文侯師
初文侯往見干木干木踰垣而避不得見孟子亟稱之
以爲不爲臣不見自守之義固然也吾鄉固屬魏地而
村以下段名者或者其故里與然縣城北又有上段村
者安知其里居在此耶在彼耶豈先生中有遷徙而爲
其室所寓居與抑或其讀書講學後人慕其賢而因以
名鄉與蓋不可考也已嗚呼時方戰國廉恥之道埽地
盡矣而先生義不苟合以干乘之主親往謁之而不輕
一見其自守何如哉雖以視孔子之不爲己甚若有未

盡而先生之不可學孔子之無不可正所謂善法孔子
其諸孔子之所謂狷者與蓋亦聖人之徒也百世下之
頑廉懦立良有由矣村故有先生廟殿庭四楹門房一
間中有鳳頭古柏一株乾隆二十六年廟制傾頽市古
柏而修之遂易出門爲樂樓樓左立角門一今得勒石
以誌焉噫居先生之鄉而入其廟仰其高風苟有志之
士其能無感發而興起者乎乾隆五十五年庚戌正月

舜南巡葬蒼梧辨

郭帶淮

夫學者載籍極博莫不考信於六經論孟尙已他經次
之孟子言舜卒於鳴條舜都蒲坂鳴條在天子畿內其

安邑縣續志

卷六

藝文

三

說自不可易異哉史記之言也舜踐位三十九年南巡
狩崩於蒼梧之野蔡註舜典引史記兩存其說至謂今
零陵九疑有舜塚遂使後世學者俛俛莫所適從是不
可不辨夫史記蒼梧之說本之檀弓而檀弓第言葬於
蒼梧未言巡狩也謂巡狩本之虞典而舜典陟方之義
言其得道昇天並非巡狩也且如遷云舜踐位三十九
年南巡狩是舜在位止三十九年壽止九十九歲明與
尙書五十載陟方之文牴牾矣巡狩之有無又安定辨
哉余謂九峯註書仍當折衷於書不當參以旁說今按
堯十六卽位在位七十載舉舜又三載受終於文祖

文言祭祀朝覲巡狩之事皆舜代爲之舜年九十三自謂耄期倦於勤而命禹居攝其言曰汝惟不怠總朕師如書所云是堯未百歲卽不復巡狩而舜百有九歲之後猶南涉大江深入蠻夷瘴癘之地豈堯之精神早衰舜之精神獨厚耶抑堯之德不若舜而早倦於勤也且陟方岳朝羣后必於名嶽通都何居乎投荒窮海之濱野死不還而葬於此耶如謂天子無外所至皆可營葬然蒼梧尙在南五百里何不卽葬蒼梧復返九疑耶又豈九疑可返而冀州帝都必不可返耶九峯何以解此或曰卒於鳴條信也蒼梧之說檀弓言之家語又言之

其他旁見錯出必非無據余謂今天下稱蒼梧有三粵西蒼梧今梧州洞庭蒼梧今岳州九域志東海縣又有蒼梧山皆非舜所葬之蒼梧也竹書云四十九年帝居於鳴條五十年陟註云鳴條有蒼梧山故山海經云蒼梧之山帝舜葬於陽丹朱葬於陰舜以唐封丹朱卽今平陽距鳴條二百里則古蒼梧信鳴條地也如舜所葬爲楚之蒼梧豈丹朱亦從舜南巡而卒於此而葬於此耶山川沿革時有廢興帝王陵寢每多假借於蒼梧何尤焉或曰鳴條容有蒼梧湘君之弔斑竹之啼何以稱焉不知詩人託物寄興稗官小說皆可驅使且如以詩

而已張文潛詩曰重瞳陟方時二妃蓋老人安肯泣路
傍灑淚畱叢筠是豈不可祛千載之惑乎夫書不可盡
信武城取二三策讀六經之文尙當準諸情斷以理庶
不至自誤以誤天下後世也

鳴條岡自聞喜發脈蜿蜒至猗氏境猗有香落古鎮
父老傳爲香山落處也香山卽鳴條岡志傳並無香
山之名應是蒼山之誤是亦可爲蒼山之一証竹書
與山海經所記鳴條有蒼梧山當非虛語也

自記

禹都安邑考

郭帶淮

邑以安名志安君也誰邑之禹邑之也禹爲誰邑之爲

安邑縣續志

卷六

藝文

十四

安舜而邑之也禹何爲而安乎舜舜始封虞暮思舊邑

禹乃營鳴條牧宮以安之卽今禹王城此安邑所以名

也逮舜禪禹而禹卽建都於此此禹都安邑所由來也

今安邑無禹跡夏縣稱南安邑何也安邑舊封甚大故

元魏有南安邑北安邑之說至隋唐而始析爲夏縣爲

虞州曰夏縣者以禹城在其境也曰虞州者因舜陵而

得名也嗚呼學者目不博覽典籍有指今安邑爲禹都

者矣或不知舜暮居安邑聞晉書舜都安邑之說而詆

其謬皆不學之過也

重修條山書院碑記

秦恒柄 邑令

余宰安邑十年於茲矣凡城垣署廨暨各驛站公館廢
修墜舉靡不次第告成顧學校者人材之根本而書院
者造就人材以佐學校者也自地震後繼以淫雨文廟
墻垣門坊多所傾頽書院房屋塌毀剩者無幾余目擊
心傷欲爲修復者久之柰簿書鞅掌兼之工程浩大遂
有志而未逮庚辰秋冠林張公來莅斯學歷覽廟院慨
然與余有同志焉遂延紳士共相商確無不踴躍歡欣
樂襄斯舉爰製緣簿募化鄉城不日而捐銀若干兩
美哉安邑風俗淳厚人心善良卽此亦大可見矣於是
涓吉動工擇紳士之歷練老成者董其役以科考縣試
安邑縣續志

卷六

藝文

十五

臨邛首事書院其中棟梁之崩塌者重建之椽桷之朽
腐者更新之門格之破損者補綴之周圍墻垣無不登
築嚴整總期完好堅緻而止始於正月十有五日六閱
月而告竣余惟安邑神禹故都三代以來理學名臣代
不乏人而科第之盛甲於河東近則稍稍不振矣今自
書院重修氣象煥然一新不惟赴試生童無復從前風
雨之患塵泥之污搬運棹橙之勞而凡肄業其中者當
益潛心奮志爭自濯磨共相砥礪處爲名儒出爲名臣
以無負我

皇上建立書院造就人材之至意也豈不休哉第城中

舊無公館新官到任必假書院爲公館車馬人夫多所
蹂踐而肄業諸生遷移紛擾曠日輟功將居肆成事之
謂何因復與紳士籌畫於縣署東置公館一座寬宏壯
麗足以容納官眷而書院可永保無患矣後之莅斯土
者其共諒之是役也建議倡修雖自吾與學師始而其
慷慨任事經營有條出納明慎勤勞不懈者皆諸紳之
力也嗣是延明師設膏火種種事宜猶望諸紳士善其
後焉是爲記道光元年六月

條山書院新設膏火碑記

劉養鋒 邑令

安邑縣續志

卷六

藝文

六

乎儒有不慕膏粱者矣設蔬食之不供其能以仁義充
腹乎驅天下窮居絕粒朝夕不給之人而與談詩書非
計也是故聖王之制教不先養壬午春余莅斯土適條
山書院修葺甫竣堂室階墀煥然一新向微斗山司馬
振興之力殆不及此惜乎規模大備而養贍無資也每
歲山長脩脯及生童獎賞諸費均取給於有司之俸廉
而膏火未設甄別不行諸生出入無常殊失居肆成事
之旨余經營久之乃集邑中讀書知大體者倡首捐輸
不足余更籌欸捐廉助之而碧泉觀察斗山司馬又各
捐廉以贊成之竭兩載張羅共得銀五千兩分給當商

生息乃印冊簿謝列條程歸之本邑紳士俾經理焉安
邑故禹都也條山峙其南涑水繞其東其扶輿磅礴之
氣必有所鬱發而成奇夏商以來名臣理學誌不絕書
及有明而眞予曹先生起出爲掌憲所建白皆安危大
計退講學於鄉鄉人化之今宏運書院其擁皋授徒處
也夫讀書豈僅取科名云爾哉平生涵養培植如水有
源如木有根用之則迴狂瀾於旣倒不用則倡和寂寞
之濱亦足以名世使後之學於條山者力究天人性命
之蘊遠接眞子先生之傳則所以維持風俗人心者將
於是乎在區區舉業何足云哉卽以舉業論亦莫如羣

安邑縣續志

卷六

藝文

七

萃族處講章句課文字明師益友朝夕漸摩有司而又
從而品其優劣加之獎勵使其聞見日擴心思日開勤
者知勸怠者知懲由是熟揣摩而掇巍科易易耳特是
謀生計拙志士爲之氣短於戲此膏火之所由設也抑
余因之有感焉憶余己卯攝篆來茲卽館假條山書院
其時四壁蕭然幾不可以蔽風雨意欲將次彌縫而視
事期促遂有志而未逮今屈指纔五六年耳一轉瞬間
而壞者使修廢者使舉雖曰人事尙亦有氣數存焉吾
於以卜安邑之文運將自此興也諸人士勉之哉有志
者事竟成以讀書之成敗作書院之興廢觀焉何不可

者今濟濟多士就學者不乏英才矣余願而樂之因誌其始末而爲之序道光四年甲申九月

條山書院膏火碑記

周師邑令

凡事之作也必先度其始終計其萬全而後能垂之歷久而無弊安邑舊設條山書院秦斗山太守任茲土時大爲修葺復以從前新任官多僦寓其中諸生等不免曠業因另置公館以備居止自是肄業生童可無輟業之虞嗣經前任劉公勸捐籌款共得銀五千兩以作師生修膳膏火之資付當商生息擇紳士之老成正直者輪流管理不經官吏手法至善也甲申冬余莅任後以

安邑縣續志

卷六

藝文

十八

此項尙不敷用復捐銀一千兩仍付當商較前稍寬裕焉雖然猶有慮呂叔簡曰事必要其所終慮必防其所至大凡書院膏火其爲官挪移因而廢弛者固多而積久生弊廢弛於紳士之侵蝕者亦復不少其始也不過暫爲逼挪繼乃久假不歸則與廢於官者何異爰進當商而勸之曰此資本六千兩旣付汝等責有攸歸假令汝等借用於官是汝做人情於官也借用於紳士是汝做人情於紳士也私做人情擅用公項必須汝等包賠分毫不能虧短務使官私永絕借貸之路膏火用垂久遠之經此則余懼秦劉二公之意成始期於成終也云

爾若夫思慮所不及防檢所未周後之莅斯土者因時制宜相與維持爲

國家作育人材以成不朽之盛事是尤余之所厚望也夫道光七年丁亥二月

增定條山書院膏火碑記

陶汝霖 邑令

條山書院之設有膏火也創始於前邑侯劉公厥後邑侯周公因而續成之規模遂具有可觀然靳於生息有數展布無從經理者惟日久相仍而膏火未裕獎賞不優諸生童往往時課時止意殊不甚踴躍至一切鄉會路儀中選花紅則概無少許資助尤爲邑中缺典余甫

安邑縣續志

卷六

藝文

九

下車卽留意及此又以時際艱難官民交困欲倡議捐助而勢有不可姑遲之久未嘗置一詞竊憶自粵匪倡亂以來弄兵潢池者所在都有各官紳奉文舉行團練經前邑侯容齋希公籌有團練銀二千八百兩發錢行生息作爲防禦之費立有臥碑在院余履任後悉仍其舊踵行之無少間丁卯冬捻逆竄入晉疆由平絳一帶四出焚掠逼近邑境余時督同紳民置備守具添募勇丁晝夜防範所費不貲咸取給此項計除城防公費外尙餘錢二千四百九十五串余又邀同諸紳陸續勸捐除團費公用外仍餘銀二千兩俱發錢行生息近以流

匪漸次肅清奉文停止團練此息積於無用誠恐日後
經理不慎將有藉公營私挪移侵蠹諸情弊因思偃武
之後莫若修文不妨以時變通而兩用之爰邀集邑紳
劉公陝同等公議將此項每年息錢撥入書院用增膏
火獎賞並酌給鄉會試路儀以及中式入選花紅等費
嗣後萬一遇有軍需仍將上數欸暫行停止復以此息
用充團練一俟軍務告竣依舊歸作上數欸開銷如此
則息有所歸無積而不散之財不惟免異日官紳侵漁
卽肄業諸生童亦藉此加意奮勉蒸蒸日上庶文教於
焉作興而武備亦不至廢弛矣是爲記同治十一年十

安邑縣續志

卷六

藝文

二十

月

河東防河論

上楊觀察

葛文斌

邑人

古人云晉國天下莫強焉又云表裏山河必無害也是
知山西固宇宙一大要地也蓋西據大河東列太行北
收代馬之用南望鞏洛之勝生愚謂山西形勢大行爲
一面之屏藩黃河爲全省之拱衛三關九塞爲之背太
原平陽爲之腹潞安爲之項鳳台爲之口河南之衛輝
懷慶二府爲之額直隸宣府陝甘榆林二衛爲之左右
股直隸井陘陝西大慶二關爲之肱直隸大名陝西潼
關爲二目殺虎口爲之尻霍崞勾注銅鞮五台等山爲

之骨汾沁潞涑滹沱等水爲之血脈譬如人身背直則不仆腹實則不潰項強則不殭口大則能吞眼明則視遠從此骨肉勻稱血脈貫注然後運其四肢動其百骸左提右挈前指後揮無不如意是以古之帝王藉其民儉俗朴以揖讓得天下者固易如堯舜夏禹是也藉其地險兵強以征伐得天下者亦不難如唐太宗齊高歡五代李唐劉漢是也先朝山西形勢其重在北今則其重在南爲今之要各險固添兵防堵而其險尤莫如河其扼險尤莫如守河近來各縣防守尙嚴時久未免忽怠去年榮河致有逃兵私渡之虞晉省幾爲震動賴葉

小山村尊身爲表率感發其衆平芮二令亦屬勤公致使南匪逃潰商民安堵策之善者宜略倣南宋汪立信守江之策自北至東如興臨永甯甯鄉永和太甯榮河臨晉永濟芮城平陸垣曲等州縣境濱大河檄令畫地分守該州縣會同城守營刻日親巡兵若不足不妨撥鄉民壯役循環助防一里一卡司瞭望之責付一銅鑼夜則司更有警則擊之以集衆五里一鋪鋪有伍十里一墩墩有隊長五十里一團外委掌之百里一營千把掌之茅津遊擊統之蒲州協鎮轄之或分三截上截蒲州營統轄中截茅津營統轄下截垣曲駐防統轄以大

制小互相聯絡再於一切官私渡口如禹門吳王夏陽
大慶風陵郭朝車村風匣口嚴飭各縣會同防兵細心
盤查巡守暗委精幹文員不時察其勤惰大人居中調
度賞勤罰愆另文移河內山東濱河州縣一體防守蓋
河防之難不患疎防而患私渡不憂專責而憂觀望不
急在有警而急在無警應將一應官私船隻齊促東岸
編成號日撥遊船數隻沿河瞭望以渡行旅如有漁船
及土棍圖利私渡者以軍法從事顧遊擊營政甚有能
名南河之事一以委之當有成效可觀如此而山西庶
有磐石之固矣

安邑縣續志

卷六

藝文

三

舜陵

大舜葬蒼梧之野祭典載於零讀安邑舜陵
辨蒼梧古山名舜老年思居舊邑禹爲營鳴
條收宮以安之因名曰安邑
孟子曰卒於鳴條蓋卽此

許煌

舜帝陵何壯鳴條聳牧宮星躔分野濶地勢入圖雄夾
道松楸古荒壇俎豆空塔懸秋草外碑臥夕陽中稽典
承堯禪傳謨起禹功重華符化日解愠奏薰風蒲坂封
圻舊蒼梧證辨通處瞻千載後聖德溯無窮

鹽池

許煌

鹽澤開皇古曾傳渤海名條峯相擁抱涑水遠洞濼垣
列三門拱渠通萬頃平掬花珠纍纍沸粥玉瑩瑩似海
無須煮如畦不藉耕神功憑帝力地寶賴天成味佐和

羹美光同霽雪明
虞絃歌解阜千載有餘聲

房公祠

許大煌

房公英烈宰往事最辛酸
寇盜寢尋薄烽烟密邇攢
四民蹂躪盡百里守持難
報國心何切捐軀義所安
生靈誰寄託骨肉任催殘
節懷全家勁魂歸枯井寒
袞忠祠久煥遺跡不重刊
我正悲先世瞻之淚不乾

當平弔夏大夫關

李甲黃

古歷人

嘉日清齋拜舉觴
低徊興歎斷碑旁
黃泉骨燦千年雪
丹石心寒六月霜
何處樵蘇侵宿莽
幾番風雨鎖斜陽
山河流峙輝光見
正氣亭亭壯故鄉

安邑縣續志

卷六

藝文

三

山河

王永熙

邑人

爲弔孤忠敬舉觴
相從知己拜坵旁
凌空浩氣中天日
凝碧血誠大地霜
斷碣塵埋臨驛路
崇封苔鎖對條陽
當年豈計馨青史
留得貞魂壯故鄉

人

景昌會

邑人

得共吾徒拜舉觴
饒將青史話碑旁
矢忠丹陛晶晶日
埋恨黃泉晶晶霜
何處樵蘇臨徑草
頻年風雨對斜陽
定知正氣凌霄漢
常繞山河壯故鄉

列

王永奇

邑人

得從執友奠新觴
青史昭昭話道旁
舊塚含煙綿夏社

遺坵宿草帶秋霜平原落筆覆殘碣古樹寒鴉噪夕陽
在昔觸龍空沒滅因君處處重吾鄉

畱別

時由安邑宰推升雲南阿迷知州

俞

鏞

邑令

陽城辨畢到虞州

趙連城等滋事一案

觀政匆匆甫一秋革樊未

能心上歎平情但用口中求曾將車馬徭輕理

保駝津貼馬差

池腳津貼車差

豈必閭閻願盡酬先後依依來此地

初以運庫大使需次

又以安邑宰復來此地

推升臨別復勾畱

王雁汀中丞奏畱直隸州知州用

馬鞍峯下古鹽池子載於今好護持此日疏銷綠楚界

何年得見復商時節陳陝引歸綱課

彼時陝引半課歸陝省地丁屢呈節

略黃郝存觀察詳奏全歸鹽綱出鹽納課

免使秦民告力疲雖是門前財阜

安邑縣續志

卷六

藝文

五

地終非人事不相宜

毓秀中條氣象尊人才濟濟有淵源表忠自古儀型在

宏運於今教化存甲歲輸將增入泮

先已請分各捐戶本籍加學額旋歸

離綱文學承額十名

卯科文武幸掄元

乙卯科安邑武士選陳振魁文武解元

功名

莫僅誇文箭礪行為先看紀恩

郝存觀察因增學額立紀恩碑

男耕女織守清風夏鼎虞琴在境中力破邪言仙寺北

民間謠謂有仙姑在寺北村靈應男女擁擠燒香惑眾甚至硬以某女配某男派備粧奩控訟訊實枷杖禁止

檢埋枯骨厲壇東

壇外墻地堆厝棺木甚夥為修壇埋葬

官聲好惡難藏

隱輿論公平鮮異同謝爾攀轅諸父老兩呈大府見深

衷兩次紳耆遞呈懇畱

